

元亨釋書

廿六

廿六

特別  
八四  
5587  
15





元亨釋書卷第二十七

志一

學修

諸宗

封職

學修志一

濟北沙門

師鍊

撰



度受  
會儀

竺乾古里先生之設學也其要三焉曰戒焉

曰定焉曰慧焉戒之爲言也制心矣定之爲  
言也靜心矣慧之爲言也明心矣三之者皆  
心也故學即心也心即學也心之與學未始  
間隔八万之異途自是而出焉三之者各有  
事理生養之異而其歸一也何曰事文字之  
謂矣何曰理法義之謂矣何曰生聽習之謂  
矣何曰養思練之謂矣學又曰修修者密也  
學者麁也修者延也學者促也雖延促麁密

之異咸學也三世之聖人自是而出焉世之  
言教者指羅漢以爲無學者爲未竭耳矣吾  
曰等覺亦有學也何也羅漢之者究事生故  
世曰無學未極理養故吾爲有學焉既究麁  
促故世曰無學未極延密故吾爲有學焉以  
是視之學學之無也非修學之無矣以修學  
而言十地皆未竭故吾曰等覺亦有學也何  
也理弗窮故養弗充故密弗通故延弗終故  
我唯以佛地爲無學其阿羅呵阿羅漢梵音

有異者是也。凡厥心之有爲，皆學修也。心之無爲，始爲無學也。然則世之所謂有爲者，非吾之所謂有爲矣。世之所謂無爲者，非吾之所謂無爲矣。有學之與無學，皆是也。或曰：生知不學者，不也。我古皇能仁氏，生知之大者也。猶有之矣。問書、選友、聞定、阿蘭、及窮餓、麻麥、六載、雪山、蓋貽學修于吾人也。其布教鹿苑、祇樹也。法句之誦習、頭陀之薰練、咸學修

也。降而逮四日，四依靡不從事於斯矣。東漸支那，亦皆是也。羅什入關，三千負笈，蕙遠在廬。十八結社，又夫釋氏之爲學修者，禪門尤爲朴略焉。豈直指單傳之法格乎。然古之人尚曰：學坐禪，學坐佛。又曰：修證非無染汗，不得是學修而醇質者也。又講有義龍、律虎、禪有折床、枯木，皆優稱也。我本朝則二域可謂季孟之間矣。北嶺撰註記之署，南京立得業之名。珠頭瓜熟而相識成，仁眼麻眯而性具

明皆勵學修之精也。加之光定之宮度見弘  
仁增命之維選在祇衛皇王之崇勸為不輕  
耳。詳載本傳此不繁焉。今只舉三國勤業之  
端由為一代設化之標式以蔽四眾之省察。  
凡踵釋門之士未有外茲而入者矣。嗚呼吾  
黨之以勗之乎哉。

度受志二

實相無相也。豈云形質乎。無相實相也。不礙  
形質矣。頭而禿衣而褐法而戒令而律是釋

門之表帥也。先佛有菩薩聲聞二僧。只吾釋  
迦法中聲聞僧一而已。故文殊彌勒之高德  
也。猶混聲聞眾。蓋濁世之人尚儀相也。諸大  
弟子如陳如身子之儔。佛言善來鬚髮自除  
袈裟著體。逮于慶喜以寶刀剃髮。乃得白四  
羯磨具足戒。自茲比丘之度儀備矣。尼者太  
愛道啓端也。而敬有八焉。戒亦倍焉。並為世  
之福田。又有優婆塞優婆夷。此云清信男女  
也。頻婆娑波斯匿君之清信者也。護國給孤

臣之清信者也。未利勝鬪，夫人之清信者也。庵羅須曼處女之清信者也。是吾佛四部之衆也。如來成道十年，樓至菩薩請築壇爲比丘受戒。佛於祇園外院東南建壇，是印度之廣度也。永平十年，佛法傳漢，十四年司空劉峻後宮陰夫人等出家，是支那之度始也。然唯受三歸而已。曹魏正元元年，曇摩迦羅在洛陽立具足戒羯磨，朱士行爲受戒之始。東晉建元元年，尼淨檢於本法得戒。南宋元嘉

十一年，求那跋摩於南林寺建戒壇爲僧尼受戒是震且戒壇之始也。李唐中宗景龍初，詔天下試經，度僧山陰大義誦法華中第一自爾或五百紙或百五十紙，經自不定。隨時改變，肅宗遭安史之亂，國用罄，至德始宰相裴冕請鬻度牒，謂之香水錢，納百緡得度。度科大墮，富隋之民並鑣而爭馳，貧進之士繫瓶而菴違。其後暫止，即起。至趙宋而益滋，代宗勅大興善寺建方等戒壇，由此大乘戒壇

起焉。穆宗置泗州敬宗立兩街宣宗敕上都  
荆揚汴益築之皆大乘壇也。又穆宗長慶元  
年幽州節度使劉總上表出家帝不許總以  
印付留後自剃髮為僧以私弟為寺帝從其  
志賜大覺師号及僧臘五十五。五代梁太祖開  
平四年吳越錢鏐幼子令因為僧敕賜無相  
大師加三十臘本朝之度始於司馬氏男多  
湏奈名德齊女島鄉為尼名善信。天平七年  
唐道璿來善戒法大安寺行表年七十三臘

五十二就璿重受天平勝寶六年鑑真入朝  
於東大寺建戒壇用僧靈福等八十人重受  
新稟其夥。天平寶字六年敕西觀音東藥師  
二寺築戒壇度受博焉。延曆二十五年置年  
度科條弘仁十年最澄法師上表乞睿山大  
乘戒壇十四年義真始行羯磨長曆之間慈  
覺智證兩徒爭軋園域沙彌不得昇睿壇三  
井明尊奏請戒壇于園城長久二年五月敕  
尚書左丞藤經輔宣問園城戒壇立否於我

時法相之首經救三論之長濟慶華嚴之英  
良真律之師權相密之主深覺咸奉表贊許  
唯台徒固執不允介後承保帝宣禮部尚書  
源隆俊賜綸綍於園城建戒壇而臨行法事  
台徒燬撤至今不成元應之火攻我親視之  
可謂下策矣所以歲當末後之五百時逢乖  
爭之堅固乎夫度有二焉內外也皆以戒為  
標蕪染於形戒律於心內度也初二也無蕪  
染而受戒外度也後二也曰古之言度者前

二而已今并四眾何亦後二末出塵累曷度  
之有哉曰梵語彼羅蜜此云到彼岸到彼岸  
者度也踰生死流到涅槃岸之謂也亦菩薩  
戒不言蕪剃而豈不至涅槃哉吾佛何以曰  
戒波羅蜜邪亦那舍父唯受三歸亦稱優婆  
塞或五戒或菩薩戒通為清信蓋在家之稱  
也以小律儀言度前二也以摩訶衍而言後  
二亦度也而我分內外不得不判焉此方之  
度潔白精密案延曆詔十義通五非震且誦



經之比矣。李唐香水之緡，趙宋清閑之緡，所未嘗聞也。安慧經業醇深而賜度，隆海問難拔萃而中第，中葉以降，學業冗散，度選弛緩，多孳之族，出稚雛而補家產，窶約之民，放丁壯而貪寺供，或草賊追捕逮而來投，或孽子漏舉收而寄歸，佩刀而互刺，褻服而不染，是等之類，吾法亡矣。戒又四家二通二別，初天下置戒壇三所，筑之觀世音寺、西州、民稟焉，野之藥師寺、東州、民稟焉，和之東大寺、中州

民稟焉，皆天平之間，建焉。及睿壇興，野壇衰，園城壇未就，正今又只三壇而已。三壇通也，又有三摩耶戒禪門戒二戒，禪密各別，授不屬沉傳矣。然一家徒盛二戒隨行，不為不傳焉。又壇戒多弊，動不時不期焉。有常和上恒闍梨哉，孱弱離道，頭顱圓青，右繞未充，三匝左語已數十聲，持犯何開，遮何聚，如雲散如皇國政，雖清度門雖闢，我徒不競，君子大息安得返誦經問義之古制，我黨復精業而省

濫則乎。至長慶開平之竊臘漫号者不唯乖  
真軌而甚。圯世綱夫王者之動必率禮矣。苟  
任私欲何所不至之有。故先聖制禮則之。彼  
唐梁之二主只知寵其臣而不知率其禮矣。  
梵網曰。不問老少國王奴婢先受戒者在前  
坐後受者次第而坐。二主不委。盍問我焉。知  
而不問與不知不問而行之者皆非禮矣。况  
吾道有軌何不問哉。老農老圃古之人皆問  
之乎哉。總因二子辭富貴而投我者善矣。惜

乎受竊漫而不遜也。昔周襄王弟叔帶與戎  
翟謀伐襄王。齊桓公使管仲平戎于周。襄王  
大悅。以上卿禮管仲。仲辭曰。臣賤有司也。有  
天子之二守國高在。若節春秋來承王命。何  
以禮焉。陪臣敢辭。王曰。舅氏余嘉乃勲。毋逆  
朕命。仲卒受下卿之禮而還。仲可謂知禮矣。  
二子曷不若仲乎。曰。仲尼曰。管氏而知禮孰  
不知禮。子之言恐戾與。曰。彼一時也。此一時  
也。孔子亦曰。微管仲吾夫被髮左衽矣。管仲

豈可竟捐乎上之所舉者三國之始種也我  
繫年之者備資治表矣今揭三朝度戒之緒  
示四部受化所從庶幾學者原始要終若夫  
竭磨之法諸家各有軌則存其人焉

諸宗志三

楞伽曰一切法不生菩薩摩訶薩不應立是  
宗然者如來在世已有宗分者明矣滅後瓜  
裂矣小乘早折十八部焉摩訶衍亦有之焉  
鳴龍勝立法性焉護法清辯爭空有焉其支

派不勝紀矣至禪且則空相播南北朝禪性  
盛東西京斯方有十宗皆自竺支帶將來也  
傳聞印度宗教殘缺禪且又或不全唯我本  
朝歷世崇奉其間興衰者理之常也耳而未  
嘗泯沒矣今撮綱要列于後焉

三論者諸法蕩滌之深理也采中百問智之  
微言抽龍樹提婆之玄旨排成實而立妙義  
建法性而演真空談二諦者包群機也說八  
不著顯一性也羅什之所祖述生肇之所宣

傳熾于陳隋衰于唐宋我本朝華嚴論唱始  
矣智藏系授長矣為兩土之先馳啓四衆之  
初聽近世不絕如帶庶幾見整頓綱  
唯識者諸法建立之精致也昔慈氏大士微  
塵劫前所承稟矣世親無著夜昇都史而聽  
書降闍浮而說以三時括一代以三性含万  
法援瑜伽師地而脩飾挾因明正理而潤色  
談識智之轉成而精粹矣分業報之造受而  
備足矣戒賢忍疾而待那爛玄奘忘苦而受

天竺慈息弘於彼唐道昭傳於吾國明教以  
降支派流溢方今南京之地人神幽贊益熾  
講習云

律者比丘儀相之嘉範也初世尊在鹿苑也  
號令四衆肅清三業妄被彈呵然聞開顯如  
來深悲猶慮未來乘急戒緩之蕩於堅林之  
夕扶律而談常蓋五濁之機宜三學之階漸  
也滅後優婆離集律藏而下一點師師相付  
至僧伽跋陀羅衆聖點記出於弘度矣而唐

南山宣師遠取西天，曇無德前魏曇摩迦羅，  
為祖深明，持犯盛行。毗尼故不同，一紀三藏，  
之偏學也。是以經行道陞足，跌天人扶持，營  
立戒壇，手繫梵僧稱贊，戒業行事之疏鈔，懺  
悔教誡之儀文，靡不輔翼大道焉。勝寶之間，  
鑑真來朝，一摸脫印，自此此土，此宗昌矣。其  
後或微或興，天下今不乏其學。

華嚴者，如來始成之高趣也。杜順始之，康藏  
弘之，長者旁而扶，清涼斷而續，五教章以包

一藏四法界，以攝群機。雖設因修，專說果德。  
一一之理，窮性命十十之數，表極圓諸林舌  
端。毗盧性海，袞袞善財，脚下普賢，毛刹塵塵，  
指舍利滿慈，以為痘聾者境界，異根也。取童  
子婦人，以為知識者，凡聖一性也。非天下之  
至大至廣，其孰能與於此哉。我本朝慈訓審  
祥，親受賢首，至良辨而大振，今之言雜華者，  
皆承干辨焉。

天台者，如來後融之妙旨也。慧文神悟，憲章

龍樹智者倡之。章安輯之。二威緘默而守荆  
溪。駕說而行其主也。為本為迹其訓也。為權  
為實其統也。為圓為一其分也。為具為變取  
三諦于中論。而證瓔珞。始五時于華嚴。而成  
涅槃。立觀者列十境。發行者羅十乘。彌綸万  
法者八教也。錯綜十界者六即也。一界各具  
十界。而百界生焉。十如互含。百界而千如成  
焉。配三世間為三千法。分而成三千。復而歸  
一念。即復而分。即分而復一心。之於三觀也。

亦復如是。非天下之至精至微。其孰能與於  
此哉。最澄法師應乃祖之懸記。全受而歸根。  
殖睿嶽。覆蔭寰區。孫枝挺出。補撐教門。初會  
昌之毀黜。古文散失。五代攘奪。殘闕未復。義  
奔師求遺文於高麗。及我高麗先送其書。猶  
不備。長保二年和成寂照法師將信公問章  
入宋地。又持台宗諸書。惠彼人。故彙雲南嶽  
止觀序曰。日本國圓通大師寂照錫背扶桑。  
杯泛諸夏。既登鄮嶺。解篋出卷。大矣哉斯文。

也。始自西傳，猶月之生，今復東返，猶日之外，  
照又呈問章於法智，智嗟嘆，答釋自此彼方，  
欽我國台教之盛焉。昔天竺失起信論，而又  
矣。奘三藏譯，唐成，梵流傳，印度彼高麗之書，  
不全備，宋人怪缺疑半矣。及我書之至，始驚  
邃師之無遺漏，又見問章益嚮，此土之有人  
也。其後法智遣比丘就我多寫，由是視之，慈  
雲比，我日外，不惜言乎。  
密者如來事用之正印也。夫聖人用事之機

不可得而測也。故以秘密而為言矣。聖人之  
有應也，隨土而殊稱焉。密嚴究竟之域，号曰  
毗盧堪忍闍浮之地，号曰釋迦自性變化之  
異耳。未嘗有二矣。亞聖之士曰：金剛手周旋  
二主，全獲秘印，鄭重傳持，不輕與人。有龍猛  
者，後而出焉，亦亞聖之才也。膺楞伽之懸識，  
集達磨之大成，南印之地，鐵塔之中，神人衛  
護，凡庸絕跡。於是龍勝擲芥子之微眇，啓金  
剛之關鍵，是秘教之所以見世矣。龍智闍梨

以長壽之質受密藏之訣真子金剛智唐開  
元七年遠跨震且玄宗館慈恩寺遷薦福所  
至結壇灌頂初四年善無畏來又金剛手之  
孫也其父達磨麴多年八百歲玄宗已居西  
明寺稱為教主二人傾蓋互相受授其學益  
廣智之徒不空其才跨竈智臨設令空見其  
師龍智空承願命駕鯨浪赴師子之國覲龍  
智之祖以故秘密之道大全於空矣其法分  
於五惣於三合於二二者胎金也三者佛蓮

金也五者加寶羯也胎建四重金開九會赫  
赫如也濟濟如也三劫者修時也六無畏者  
修位也月之盈虧者證之階老也而皆不同  
諸顯之位次也護摩獻諸聖供四爐火熾灌  
頂授輪王位五瓶水清印明並持寶車兩輪  
馳逐理事俱密金針雙鎖往來杵鋒利銛干  
鎮猶鈍鈴音和雅韶武皆瘖其為要也主觀  
其為修也主供能供能觀不換此身即階聖  
位非天下之至上至高其孰能與於此哉延



曆之末傳教弘法一時異受故有台密有東  
密台亦有慈覺智證之再稟東亦有小野廣  
澤之競傳四派別流千支万帶泛溢四海不  
知紀極震且之密衰於唐末絕於宋初唯我  
日域轉以轉熾南渡之後學台之清信士鎧  
庵吳克已撰釋門正統扶樹台教者也言之  
曰華嚴頓施別圓則無俟乎密鹿苑專說小  
乘則未易用密唯方等般若二時欲轉小成  
衍及被接入別圓則如來始於此時有顯密

二輪之用若夫法華開顯無小無天俱入一  
乘所謂密者尚何施邪唐末亂離經疏銷毀  
今其法盛行於日本予嘗痛世人<sub>レ</sub>不學其宗  
而謾議焉<sub>レ</sub>涓涓者鎧庵皆是也台徒以鎧菴  
比雜華之李長者何其容易發言乎今見此  
評宛如枘鑿之不相逗也豈瑜伽金剛之乘  
彼鎧庵之所弄<sub>レ</sub>甯乎又以方等般若爲密時  
者自家五時之管封邪又華嚴不俟法華何  
施之言皆不學之過也殊不知二經共瑜伽

之各一會耳。只其學密之者請悉而已。  
禪者如來心性之玄曠也。昔婆伽梵三乘道  
徧四衆化盈猶未得其人。末後金色尊者契  
證全付。是曰正法眼藏涅槃妙心。所謂教外  
別傳者也。四七相授。至菩提達磨。達磨承西  
天之正統。創東震之宏基。捧盤軟盟。叱六宗  
於堂下。探懷取物。得一臂於雪中。見其辨珠  
智之發妙。年且哉。携履靈之彰滅後乎。二三  
稟系爲曹溪。曹溪膺受桂蔭之洪業。示寓樵

隱之微生。弗爭衣。孟手拱重寄山嶽。不學文  
字。舌翻大藏。波瀾曹溪已前。此道如元氣氤  
氳而著。人人不省矣。曹溪之後。天象爛然。率  
土無不景仰焉。初分而輪如也。次列而緯如  
也。後加而曜如也。蓋南嶽青原者。兩輪也。臨  
雲。馮曹法者。五緯也。楊岐黃龍之加。五家也。  
猶大陽大陰之成七曜矣。金雞之粟廬陵之  
米。二輪之煦育也。天下無不取之。以生焉。猶  
何云哉。今粗言緯曜之化成矣。夫玄要句語

三之矣。料簡賓主。四之矣。頭上雷轟。一喝不  
及掩目。目前電閃。一棒無處轉身者。臨際宗  
也。納脚睦州。門中門閉。脚折封眼。靈樹函內  
函開眼明。三句語揮劍而不痕。一字禪嚼蠟  
而無味者。雲門宗也。正中徧中設五位。成三  
疊。東說西說推一位。忌十成。玉顏無看。黃閣  
無下。寶車不碾。紫宸苦生者。曹洞宗也。三春  
回齒頰。勝却鷲子之神通。百月列胸懷。脫出  
應真之妙畫。用劍刃上事。行燃燈前機者。瀟

仰宗也。言八識而異。慈息用六相不類。雜葉  
鼓吹而曲入別調。擬議則箭過新羅者。法眼  
宗也。是緯之五者也。受乳哺於三角。虎見步  
驟於三脚。驢其道難容受也。謂之栗棘蓬。其  
機難透脫也。謂之金剛圈者。揚岐也。竭盡泐  
潭之死水。鼓起智海之洪濤。坐一榻而應四  
來。立三關而接万衲者。黃龍也。是加兩曜而  
七者也。赤縣之域不承緯曜之照臨者。未有  
之矣。非天下之至純至極。其孰能與於此哉。

初昭公稟三藏之密付道璿有行表之別傳  
義空得鹽官之正派而來慈覺受蕭氏之秘  
授而返然而四傳不嗣聞爾無聞後三百年  
建父之間建仁西公單傳全提逮于寬寶爾  
隆二師鼓行東西此方毀傳雖恨遲暮百數  
十歲鬱為強宗西積翠之裏也爾隆揚岐之  
胤也北地亦有新豐之微派天下之曰禪者  
三家矣方今元國之禪亦此三而已餘先泯  
矣

上之七是此方之名宗者也又有淨土焉有  
成實焉有俱舍焉斯三為萬宗譬國之附庸  
焉而各皆有宗矣七家之者挾而糅用蓋俱  
成二宗亦能叙置三寶四諦攝諸名相而設  
于理者成實也界根世業聖智定破事理兼  
施者俱舍也凡三乘之階位三界之成壞道  
法之修證業惑之伏斷碁布星列無不畢見  
矣故七家之者取焉昔有學真中世而廢學  
者又陋其小徑而不名家也淨土一宗或大

或小便依修者而然無祖宗之定系故也始韋  
提希遭逆子之難如來愍而開十六觀想是  
所以淨土之建也其餘修多羅散見不一焉  
東晉慧遠結蓮社於廬阜支那樂邦之址也  
逮李唐善導盛行之廣被緇素又諸宗碩德  
叅而修之所謂智者向西而稱贊杜順歷郡  
勸諭圓照密修雷峯遊日淨殿慈覺勸會普  
賢入名勝場雖勤崇奉皆旁資之是附庸之  
謂也本朝空也師倡之猶導之於唐源信源

空繼而助之雖廣行四部而無統系故今為  
寓宗宋地又此宗熾無統系者與我同焉  
七家之徒互相毀咎非三論者曰幾泯絕矣  
非唯識者曰不用他典非律者曰傷束縛矣  
非華嚴者曰無伏斷分齊非天台者曰權實  
偏取非密者曰緩事而放非禪者曰任性而  
誕如是之類多矣夫物咸有弊弊者迹也達  
人大觀而不見迹矣嗤嗤之者徒而歎歎焉  
彼震且者三論密亡者久矣唯識賢首殆干

絕矣言佛之者只三家爲全耳國家自始傳來未嘗墮類其間有弛衰者其徒之辜也我謂此土大乘醇淑之疆者不誣而已矣

### 會儀志四

易曰亨者嘉之會也傳曰某所亦某都會也然者會者通聚之謂也夫物在局必塞故聖人通之矣在獨必孤故聖人聚之矣會之時義大矣哉牟尼覺王之御於西印也嘉都之大會也一說也梵釋聖凡還香而聽矣一餐

也菩薩聲緣排列而食矣是曰二輪必於會焉二者相轉屬所謂食輪法輪也其轉處或山林僧伽藍或王宮臣民家未嘗單說獨食焉畢食而有說請說而設食如來又不忤人情矣又夫物集而無儀則亂焉故會必嚴儀矣吾法三千之儀尚不失於獨屏况聖凡之大會哉匿王宮掖之齋文殊分領聲聞菩薩力士城林之供純陀寂冠釋梵王臣是會之有儀而嚴者也又有般遮于瑟此云無遮會

身毒之風俗常設焉。聖凡上下賢愚通聚而無間。故曰無遮嘉會之都。會而不忌之者也。東漢永平十四年正月南岳道士褚善信率五嶽八山道士六百九十人上表與我角試十五日明帝幸白馬寺百官咸會焉。設三壇東壇道士置經子符籙西壇摩騰安像經舍利中壇奉饌食奠祀道士遶壇泣曰主上信邪玄風失緒敢置經籙於壇以火取驗。即縱火悉成燼。道士相顧愧赧及焚佛經五色光

徹天表薪盡像經儼然摩騰躡身空中現諸神變竺法蘭出和雅音敷宣佛法天雨寶華大衆欣說上元燒燈起於此焉。東晉元帝大興元年召沙門竺潛入內殿講經以德重令著袂登殿劉宋高祖永初元年設齋內殿令沙門道照說法嚙金三万求那跋摩居祇洹寺講華嚴經文帝曰李公卿集座下傾聞孝武帝大明六年四月八內殿灌佛齋蕭梁武帝中大通元年京城大疫帝於重雲殿為百

姓設救苦齋復幸同泰寺設四部無遮會陳  
陳武帝永定三年大內設仁王大齋文帝天  
嘉四年於大極殿設無尋大會後主至德二  
年召智聚法師於大極殿講金光明經李唐  
懿宗禁中設萬僧齋帝升座讚唄長眉沙門  
來應供凌空而去趙宋神宗元豐三年正月  
設千僧齋於大內施千袈裟千金剛般若薦  
慈聖太后福震且之會儀甚多不暇備舉本  
朝敏達十三年蘇馬子營殿設大齋會爾來

斯儀尤盛率見資治表矣夫宮禁者雲天也  
凡庸不可階矣雖王者無外爭柰九重深密  
而多屏闈何然設無遮會也隸身步丹墀矣  
啓安居講也壞色排玉臺矣皆吾道之騰烈  
也文永之間宋沙門寓洛見宮中取勝會嘆  
曰偉矣哉儀也至尊之崇佛也宋地未有之  
矣銀蕃之秦口恐不得併吞焉吾國夢如也  
已其殆焉斯方神靈忍坐視哉德祐二年宋  
祚果絕然我文弘之二蕃冠佛神戮力為援



焉戈矛纔交風浪俄激千艦万卒一時破溺  
豈非國家信敬供祀之所由乎

封職志五

佛者富貴之極備矣華藏世界其封富矣果  
滿妙覺其職貴矣及應於閻浮尚受刹刹之  
種當輪王之位而視若脫屣矣乞他而食依  
久而庇其旨深矣夫佛之有為也為他而非  
自矣若其自者無為也無為者實際也實際  
無云為也矣其深旨之者五焉勢位妨外故

利祿 害 內 避

避之矣利祿<sup>果</sup>內故避之矣銷宿殃故避之  
矣期大果不顧小利故避之矣為世福田故  
避之矣斯五者吾佛貽於吾人也吾人之於  
五者也始四者自也後一者他也其自者避  
而又避之矣其他者避自而受他矣避自故  
刹種輪位皆脫屣也受他故食他庇人皆福  
田也是所以吾人之有封職也而若自有者  
雖針草為難消矣若保他者雖巨万又恬如  
矣屏莎之五百車須達之百億金多多益他

我不干矣。初如來置上座寺主維那。故身子冠鹿苑之座。飲光知鷲嶺之事。又文殊時時主綱紀。和上阿闍梨。早見梵網矣。國師論師三藏尊者。共西域之稱也。至震旦益繁衍矣。不唯封給也。加之以職位。可謂渥寵矣。不唯僧官也。重之以俗爵。蓋傷於敬矣。而又吾人之不得已也。又失喪有轉。有謚職。以僧正僧統僧錄。号以國師大師禪師。是等之類多矣。今少出其端焉。西晉懷帝永嘉四年。天竺佛

圖澄至。後趙石季龍傾心事之。号大和尚。乘輿升殿。東晉孝武寧原元年。詔曰。法師道安以道德照臨天人。宜日食王公祿。所司以時奉給。安帝隆安五年。鳩摩羅什居逍遙園。奏主姚興與三千比丘。執經諮稟。時長安地僧尼麀至。濫猥不軌。秦主令僧若為國僧。正檢按僧尼秩。同侍中。給車輿吏力。法欽為僧錄。僧遷為悅眾。班秩有差。各給親信。白從三十人。南宋文帝元嘉十二年。敕尼寶賢為尼僧。

正二十二年沙門慧嚴卒勅賜錢五万布五十  
疋孝武帝孝建元年救道猷為新安寺法主  
明帝泰始元年救道猛為綱領賜月給三万  
令史四人白簿吏二十人車及步輿一乘又  
詔僧瑾為天下僧主賜法技一部之鏡磬類親信  
二十人月給錢三万及車輿吏力順帝昇明  
元年救法持為天下僧正南齊高帝詔法穎  
為京邑僧主南梁武帝天監十六年救沙門  
慧超為壽光殿學士召眾僧講解經文並居

禁中內道場自此始普通六年救法雲為大  
僧正給吏力南陳文帝救寶瓊為京邑大僧  
統南岳慧思賜大禪師北魏明元永興元年  
封法果為輔國宜城子神瑞元年加封忠信  
侯又加封安城公卒謚靈公文成興安元年  
救師賢為沙門統和平元年詔曇曜為昭元  
都統西魏文帝大統元年救道臻為大統北  
齊文宣天保元年拜法常為國師救曇延為  
昭元上統二年詔置昭玄十統以法上為大

蓋天白知  
者法字  
尊者

統令史真置五十人李唐受封爵者滋矣本  
宗貞觀中封智威為引駕大師玄宗開元三  
年詔一行為天師代宗救謚達磨圓覺大師  
封不空三藏開府儀同三司肅國公食邑三  
千戶卒贈司空德宗救謚二祖慧可太祖禪  
師又充圓照內供奉開成元年救雲端充左  
右街僧錄宣宗大中三年救知玄充三教首  
座五代江南李主有導師号趙宋初蓋天台  
智者法空寶覺尊者或有四字六字師号不

遑救舉高宗遭金虜之連劫乏經費建炎二  
年十一月救賣四字師号價二百千本朝推  
古三十二年觀勒始為僧正德積僧都奈來  
官位相次而出大化元年置十師白鳳十四  
年百濟常暉賜封三十戶持統七年沙門法  
鏡賜田三十畝寶龜二年置十禪師延曆十  
七年僧階配官位永保三年沙門性信加特  
進凡繫年之者見于資治表斯不繁焉昔者  
孔子罕言利况我輩乎而立封職者令斯人

知吾佛毫光之餘輝也。又夫聖王之舉不苟矣。大化寶龜之十師者。比齊昭元十統之所自乎。僧正僧都皆是也。又趙宋賣號不能無議。嗚呼。亂離之主。助一時之國用。我尚怒諸買之沙門。爲誰哉。比丘之浮虛。至於斯矣。我按誅姦諛於既死之刀焉。昔漢武帝伐我狄而國窶。始鬻爵。史毀之。唐肅宗逢羯獠之寇而販牒。祖述干漢武矣。宋之賣号。出干二主乎。補一時之小厄。貽万代之太疵。惜乎三帝

之短術也。我國家無是等醜。不特士俗之醇淑也。又奉佛者深之使然乎。

元亨釋書卷第二十七

大日本皇文唐字六月有旨入坐廬大藏攝別誓願禪寺住持比丘車況謹募眾緣恭為

今上皇帝祝延 聖壽文武官僚資崇 祿位國泰民安命工鑄釋典

大藏經印板共行一都計三十卷昔永和三年丁巳八月

元亨釋書卷第二十八

濟北沙門

師鍊

撰

志二

寺像六

向原寺

四天王寺

元興寺

大安寺



頂法寺

今六角堂也

大寺

禪林寺

俗呼号當麻寺

興福寺

崇福寺

長谷寺

神願寺

石山寺

東大寺

鶉田寺

葛木像

西大寺

招提寺

神護寺

粉河寺

村崗像

慈氏像

鞍馬寺

清水寺

山王像

園城寺

貞觀寺

感應寺

圓教像

解滿寺

播磨書寫山圓教寺如意輪觀音像也

寺像志六

毗盧覺皇身土不二。迹那智帝珠網無礙。逮  
迎文法王之統御。忍界也。鬼驅而竹林始焉。  
外伏而祇園次焉。世尊晚年安居。初利優填  
王。不耐思慕。刻半頭奉之。毗舍離者。鑄金僧

訶羅者珠玉印度之寺像寔繁矣摩騰入漢  
劉帝創白馬僧會來吳孫王營建初漢桓鑄  
黃金梁武聘赤檀仲暉<sup>每</sup>行像<sup>每</sup>夜行道平寺  
石軀終日俯首支那之寺像不可勝記也又  
夫僧<sup>僧</sup>伽藍<sup>阿練</sup>若道場精舍之号不一而摠  
言寺何乎其亦有說焉永平十年騰蘭西來  
明帝館鴻臚寺十一年敕雒陽城西雍門外  
立精舍居之初以佛侍像舍利梵夾載白馬  
而至故名白馬寺蓋鴻臚者典客之官鴻聲

也臚傳也傳聲贊導九賓也寺嗣也官屬相  
嗣治事之所也以沙門之始居立為号也故  
比丘所莊皆官宇也是以宏基鉅構非菴盧  
之比梁立光宅魏造永寧唐建西明宋開慧  
林廣壯嚴麗與官闕角逐者是也本朝之製  
二規如彼稻日元基八百傳作皇王資運祚  
相將昌家業靡不繇斯凡寺像之興廢者國  
家之盛衰也像設之靈基興之異不成世之  
福田盪<sup>人</sup>之情偽者鮮矣故今采尤著者列



于後焉

○向原寺者欽明十三年十月百濟國聖明王  
貢獻釋迦銅像天皇宣問群臣可拜不物尾  
與中鐵子等皆沮之唯菰稻目贊成焉天皇  
賜像于稻目稻目大悅安小墾田家供養後  
捨向原宅為寺置像是本朝寺院像設之權  
輿也

○四天王寺者用明二年八月皇子率官師討  
物守屋官帥三却皇子斬白膠木刻四天王  
像安駿中發大誓曰官兵得勝當建護世四  
天王寺守屋亡乃於玉造岸上營寺安四王  
像分物比資產納寺推古元年移難波荒陵  
東故曰荒陵寺又曰敬田寺南北一里東西  
里餘有池曰荒陵池青龍湧焉昔釋迦文佛  
因地轉法輪於此爾時皇子為長者聽受供  
養故遷此地寶塔大殿對極樂界東門皇子  
拔鬚髮六莖加佛舍利六粒藏塔中柱表較  
濟六趣也

○元興寺者上宮太子討守屋時藉馬子又搗營寺故於飛鳥地創之推古四年成始曰法興寺後改焉天皇設無遮會慶之於是紫雲如蓋降覆殿塔變為五色或作龍鳳形太子曰天感造寺故有祥雲

○大安寺者推古二十五年太子豐聰入定見來世皇運出奏曰季葉帝統多艱虞乞建寺鎮之帝諾乃營寺熊疑村二十九年太子疾病願言以熊疑寺後新舒明十一年移百濟

河側改号百濟大寺取材神林神真火寺皇極元年天智七年屢搆修天武十二年移高市郡改曰大官大寺和銅三年遷平城天平元年上欲復新求宏規沙門道慈獻西明寺圖上大悅加鉅搆所謂印度祇桓精舍以堦率內院為準唐西明寺以祇園為準今大安寺模西明云

頂法寺者昔淡州海濱有朽篋順浪而來聖德太子適游濱渚見此篋啓之有如意輪觀

自在像悅而奉持常不離身爾後營四天王  
寺采材諸所來此地偶浴泉水太子脫衣便  
解像置欄樹枝間浴已取像像重不上太子  
恐對像祈求其夜夢我為汝所持已七世矣  
今又緣在此地故爾耳太子欲構宇安像時  
一老嫗至太子問曰我思造殿宇近有材乎  
嫗曰此地傍有大杉每朝紫雲覆之恐靈材  
與太子翌早伺之果如嫗言太子便斬創之  
其杉甚大不容他木一株而成其宇六椽以

安像焉桓武帝定都此州官司畫城路是宇  
當途官司患之於是乎黑雲下垂覆宇乃躍  
北而避之其遠五丈故名其路為六角焉取  
此字也俗又名堂矣或曰此像高麗國光明  
寺像本國僧德胤令太子迎之長一尺二寸  
和州禪林寺者俗号當麻寺用明帝第四王  
子麻魯古因兄豐聰王子訓所創也推古帝  
舉為官寺初号万法藏院在內州山田鄉白  
鳳二年麻魯王子得瑞夢移于當麻當麻者

役小角之家地也。天武帝聞夢事，勅刑部親  
王論于小角麻曹王子，伴刑部親王至彼所。  
後感靈夢，欽皇詔，又喜二王子之來，便捨其  
地為伽藍。十年春二月，寺成，改名禪林寺。落  
慶導師慧灌僧正也。小角曰：我先高賀茂間  
賀介及渡都岐有山川數百里，今皆迴施三  
寶具。如大寶三年六月，記其後天平寶字中，  
僕射藤拱佩有女性，無世染，不納聘禮。專志  
安養。七年六月，入寺，薙髮誓曰：我不見彌陀。

真身不出寺門，其志確乎。不拔數日，一比丘  
尼至，不知從來儀相。麗僮語曰：我念汝見淨  
土觀彌陀，須集百駝，蓮莖於是乎。新尼奏于  
朝，詔使送蓮莖二日，而滿數。化尼自折莖，取  
絲穿新井，灌之。五色燦然。又數日，一女來客  
兒端麗，問化尼曰：絲成否？對曰：成。化女得絲  
於殿之西北角，織之。機杼軋軋，始于初更，終  
于四更。其幅一丈五尺，以葉三把，浸油二升，  
為燭。化女捧授化尼。化尼與新尼淨土衆相。

嚴麗備足。新屋大悅。又以無節竹爲軸。蓋長  
竹兩節之間耳。又可怪焉。化女忽然不見。化  
后作偈。禮畢曰。往昔迦葉說法。所佛事新起。  
又有故感君。懇志我來此。一至是場。永離苦  
新尼問曰。善哉。善哉。善知識。後何來耶。又向婦人  
爲誰對曰。我豈異人乎。西方教主也。向女觀  
音大士也。言已。凌空而西去。新尼自是精修  
益勤。寶龜六年三月十四日。安坐念佛。逝。漆  
并側有精舍。昔天智帝時。其地夜夜有光。帝

使使見之。三大石形似佛像。天使復奏。教刻  
三石作彌勒三尊像。其上架殿。庇之。俗以近  
染井号染寺。役小角殿前。栽一櫻樹。曰佛法  
沮。櫻樹枯。自亦以來。舊枝漸朽。新梢萬秀。枝  
業鬱茂。花果鮮麗。見今存焉。

播州大寺者。昔蘓入鹿大召兵。亡上宮太子  
之屬。播有枚夫者。從軍。枚夫有妻好枚夫之  
僕。以間潛通。既而枚夫歸。僕恐事覺。受誅。語  
至曰。山中有一所。鹿猪之所集。人未知。我適

山行見之。我願與君二人潛往獵之。不令他人知。若人有知，非鎮長君之有矣。枚夫大喜。枚夫善射，畋素養二黑狗，便與二犬及僕入山中行，數十里，僕上高所，彎弓架矢曰：我昔主君比來，匹敵也。此山無獵所，我給君至此也。此一箭可得君命，不知君有所思乎？我雖奮命能濟君身後。枚夫曰：甚矣我之衰也。我未知此事，餘又何言乎？但有一事願子且待。須臾，枚夫腰帶畋糧解包呼二犬，分糧為二。

各與之，便撫二犬曰：我畜汝等者有年，恩意宛如子弟。此飯是我之餐也。今與汝等，我有一言，汝等聞之。我今死於此，汝二犬一時嚙其屍，莫令有遺餘矣。所以然者，我自少壯得雄武之譽，故又逼驅從蘓氏之軍也。耻今為僕隸，被給空死。山中國人競來定見我屍，指笑哀愍，是我之大患也。故我欲二狗盡我屍，二犬不啜，垂耳而聽。言已，一犬高躍齧斷僕之弓絃，一犬又躍齧僕喉而死。枚夫將二犬

而返家乃逐其妻又語親屬曰我日二犬得全命自今立二狗為我子我之莊由資財皆是二犬之有也畜齡短促不幾二犬自斃校夫曰我鄉以二犬為子付資財今其殂矣前言不可渝也便捨田貨建伽藍安千手大悲像薦真福祠二犬為地主神此像靈感日新野火四面而來伽藍無恙凡三度桓武帝聞之救為官寺捨田數頃

○崇福寺者天智帝初欲創伽藍未勝地未得

七年二月三日夜夢一沙門奏曰西北之山有靈區帝俄覺于時四更之便出殿陞望西北火光細騰高十餘丈明且救侍臣物色光所侍臣反宮奏曰光所有屋廬傍掛瀑布有優婆塞經行念誦臣等問名不言其容儀似非常人帝聞之乃幸其地優婆塞出迎白帝曰此地古仙靈窟伏藏之處也言已不見帝感喜立精舍

○興福寺者和銅三年三月藤丞相不比等於

和州平城建之其大殿之像大織冠之所造也初皇極元年十一月蘇入鹿弒山背大兄王子弟其後奢侈甚纂逆端露宅曰宮闕子稱王子中大兄王子天智及中臣錦足愁之帝與輕皇子孝德及二人謀誅入鹿而恐事不濟於是鑣足發大誓作文六釋迦像乞援四年六月刺入鹿於宮中自是藤氏繁延是以不比茅營寺安斯像又鑣足之遺意也弘仁四年諫議大夫藤冬嗣於寺建南圓堂安

殊

不空罽索并四天王像莊麗殊特世傳爾時藤氏寢微大夫營攝願榮家族果大夫登宰輔藤氏益茂

若刈神願寺者養老之間州界疫起連歲旱澇時比吉神祝屬有私赤者歸佛乘接山林比吉大神化人來告曰此地是我之有也我受生鬼神苦報甚多欲歸三寶出苦趣末由也故屢行災癘耳汝能為我於此地營伽藍安佛像珍蓄自滅年豐民安赤乃建精舍曰



神願寺後無災害

○長谷寺者比丘道明沙彌德道乃律道仙人也勸力建其像材者自近州高嶋郡三尾山流出霹靂木也木之所至有疫災漸漂流至和州葛下郡神河浦道明欲取此木刻佛像而無資力專心禮木祈求金紫光祿大夫中書侍郎藤房前奏賜和州租稻三千束乃刻十一面觀音像高二丈六尺震雷破巖石為座方八尺佛工誓王勳誓文會作之或曰此材者昔

辛酉洪水自近州高嶋郡三尾崎流出橋木也所至之處火災疾疫和州葛下郡出雲木滿聞木事思必靈材發願欲刻十一面像而此木巨材不可容易動試繫繩引之輕如片木路人驚怪合力扶牽遂至和州城下郡當麻鄉不幾大滿即出此材徒歷八十餘年其村里疫亦起村民引并長谷川上又過三十年有沙彌德道養老四年移置峯頂蓮欲雕造而無由朝暮向木悲泣禮拜時藤房前奏

救與官租辨之神龜四年成屈行基僧正落  
慶初刻像時蓮夢神人告曰此山北峯土中  
有大巖石平正無瑕鑿立像覺後徃彼穿  
土果有大石方八尺上印足跡與像脚同如  
夢言安像其上二事少有異並記傳疑云  
東大寺者天平十五年十月十五帝於近州  
信樂京創之鑄盧舍那佛銅像長一十六丈  
帝製發願疏普告天下初有沙門良辯為帝  
重勸帝營像宇一夕帝夢良辯前身為支那

比丘求法赴天竺到流沙有大河辯無錢不  
得渡留數月帝時為渡子憐辯求法不言  
備貨乃渡之辯先身發誓曰願尔來世必登  
王位因此主日域覺後帝創此像十六年十  
一月於甲賀寺造像模帝親引其繩救大常  
奏樂十七年八月移和州添上郡改造郡有  
寺曰金熟優婆塞金熟居焉故名之持一執  
金剛神像以繩繫脛捉之念修晝夜不休一  
夜像脛放光照宮天皇驚恠救尋光至此中

使以聞乃召金熟問欲求何事。奏曰：求得度救許之。四事供給。時人号金熟菩薩。帝以此地為勝區。遷之。執金剛像。今在智索院。天平勝寶元年十月二十四日。大像成。經年三歲。改鑄八度。殿高十五丈六尺。東西二十九丈。南北十七丈。東西兩塔各高二十三丈。十二月丁亥。帝及聖武上皇幸寺。禮佛。此日八幡大神入寺拜像。

○石山寺者。聖武帝創。東大寺鑄一十有六丈。

遮那銅像多。聚金為薄。此時本朝未有黃金。帝語良辦法師曰：傳聞和州金峯山其地皆黃金也。師祈金剛藏王得金資。銅像薄不亦宜乎。辨入金峯山持念。夢藏王告曰：此山黃金不敢自恣也。今示汝別方。近州湖西勢多縣有一山。如意輪觀自在靈應之地也。汝至彼持念。必得黃金。辨便赴勢多。時老翁坐大石上釣魚。辨問曰：汝何人。對曰：我是山主。比良明神也。此地觀音之靈區。言已不見。辨就

其石縛廬安如意輪像持誦不幾與州始貢  
黃金爾後刻丈六大悲像藏先像於中亦造  
金剛藏王及執金剛神安左右其像各八尺  
當夷基趾地中得五尺寶鐸益為靈地  
和州葛木尼寺彌勒銅像者天平中官使巡  
城警夜至寺前聞南原有悲痛聲尋聲到彼  
盜取像毀之像為聲也官使鞠勘送寺  
遠州鶉田寺藥師像者寶字二年三月一沙  
門渡大井河水底有聲曰取我取我沙門穿

聲所而得像高六尺五寸左右耳朽闕命工  
補之其後時時像放光

招提寺者天平寶字三年八月鑑真法師薦  
聖武上皇所創也初以皇子儀同甲部王  
宅賜真逮上皇崩成寶坊諸公卿及沙門等  
共營大殿者唐僧如寶建安丈六盧舍那像  
講堂者捨平城朝集殿而成彌勒及二菩薩  
脇士唐法力所造也食堂者藤仲公捨家屋  
經藏者周義靜造之納佛舍利半合及佛菩

薩像經律論一切寶物。罽索堂者藤清河施屋安金色不空罽索像并八部神衆又賢璟法師爲國家書大藏四千二百卷度之。

○西大寺者天平神護元年稱德帝建鑄四天王銅像長七尺三像已成只增長天王一像不成改鑄六度遂不就至第七度帝親幸冶處誓言朕若因是功勳來世轉女身成佛道手攬熟銅無傷損而像成矣若不然手爛像不成便以玉手攪洋銅御手無傷像便成見

聞無不嗟嘆。

○粉河寺者寶龜元年建故老傳言紀州那賀郡有獵者姓大伴名孔子古常棲山谷屏身樹上夜窺猪鹿而射一夕山中有光大如笠伴氏驚怖疑怪即下樹欲見光處進去髣髴無定所如是現光三四夜伴氏熟看乃知其地猛省曰吾非宿因爭逢瑞光便就光處結菴又思安得佛像營精舍居未幾有一童子乞宿伴家許之童悅語曰家主有何所須我

願加助報宿託。息伴氏語瑞光事曰：我此地  
思安佛像未得佛工耳。童曰：我是拙工。家主  
若許願，効小伎。伴氏大悅曰：我有二願，刻像  
一為法界有情，二我息任。與州吏途路，負遼  
願安穩還鄉。伴氏延童見菴，所童曰：我於此  
菴中一七日期像，其中間願莫來見功畢。吾  
往告伴氏諾，去童入菴閉戶。至第八曉，聞叩  
門聲。伴氏出見無人，乃詣菴。金色觀世音像  
千臂儼如，而不見童。伴氏喜恠，自此投弓矢。

供像精修，其後河內臨河郡有佐大夫者。一  
子沉痾，萬醫拱手。一日童子來舍，大夫語病  
子事童曰：我試咒之。即誦大悲陀羅尼，病立  
愈。父母大喜，賂童童不受。唯取一箸筒而出。  
大夫送門曰：恩意深，不知謝。所住何處？屢通  
音問。答曰：我住緝州那賀郡風市村粉河寺。  
語已辭去。不幾大夫牽婦子向彼。至風市村  
無粉河寺者，踟躕顧視，傍有一澗，且東西浴  
流而下，河水甚白如粉漿。見林中有宇，閉

戶無人便思念恐是與未決偶日已沒體勞  
疲開戶而入無火燭雖不見像以其佛宇採  
花置几而已衆人共困睡中夜像前燈盞自  
然點火堂內赫奕大夫驚起見之千手大悲  
宛然近看童所取箸筒掛施無畏之臂也即  
知童子此像之應化感嘆敬禮普告四來於  
是伊都郡澀田村富家寡婦聞此事捨住宅  
改精舍爾來靈應日新

高尾神護寺者<sup>四十九主</sup>仁帝受八幡大神之託所

建也初沙門道鏡受幸於稱德帝天平寶字  
八年太師慧美仲伏誅神護元年鏡為太師  
二年授法皇位鏡誇寵遇有昇大寶之意屢  
感激帝情帝欲禪寶位於鏡先敕中使和清  
白八幡大神神現形告曰天下善神少而邪  
神多善神不受邪幣邪神貪邪幣道鏡祭邪  
神覬寶位邪神多黨令帝有是讓然我國家  
日種相繼膺運自開闢以來未廁他氏道鏡  
豈發迹哉汝還闕奏我意又奏建一伽藍保

護帝祚亦絕。如是濫窺汝歸宮道鏡必加誣枉。汝莫恐也。我當助衛清復神言。帝及道鏡果怒。處流刑。清赴配。過瞻駒山鏡使刺客伺山路。會雷電晦冥。不能加害。四年八月帝崩。清遭赦。重奏神旨。光仁帝乃救清。創寺。初名神願寺。天長二年改号神護國祚寺。

○紀州那賀郡慈氏寺大殿中像已成。左右二菩薩妙音法音。未添飾經年。臂落沙弥信行居寺執役。見像臂墮。以絲縛著其頸。寶龜二

年七月行在殿內。半夜聞悲吟聲。其音妙細。言痛哉痛哉。行巡殿尋求無人。累夕如是。行怪熟聞。趁聲所先所縛之像也。乃呼沙門豐慶見之。二人歎異。勦力畢工。

○和州村崗寺三像者。沙門廣達。總州人居金峯山。一日過桃花里秋河橋。忽橋下有聲曰。莫踰莫踰。達聞之。見橋下無人。踟躕細看。只有一木材。達取之。作彌陀及觀自在阿逸多三像。靈異日新。



○勝尾寺講堂觀自在像者寶龜八年堂成九年九月日州沙門興日語座主開成曰傳聞講堂已成未有像我有八尺白檀香木願捨為像材成乃遣比丘豐南赴西海迎之十年復到寺而未育良工十一年七月十五日比丘妙觀者來曰我能刻像得否成許諾三日後僧俗童輩惣十八人伴觀來雕像千臂千日莊嚴端嚴又加四天王像凡五尊三十日而成八月十八日妙觀合堂對像而化所從

十八人一時不見時人曰刻像之日一十八像成之日一十八刻像之人一十八觀死之日一十八靈應之數不虛設也國俗以十八日為觀自在此像爾來感驗日新正曆元年庚寅大宋淳化元宋商二人來一台州人周文德一婺州人揚仁紹二商曰百濟國后妃有美姿國主愛重未邁壯齡其髮早白后愁之服靈藥求法驗二事無効王又憂之一夕后夢日本國勝尾寺千手大悲靈感無此汝其祈之覺後后

悅甚便向日本國作禮祈宗又夢日本國一  
山出光照掖庭夢覺后疑紺碧過始以是寄  
我等二人以關伽器金鼓金鐘等什物遙獻  
彼像不知勝尾寺爲何處大宰府使使者送  
到寺云

○鞍馬寺者大中大夫藤伊勢人之所創也大  
夫歸佛尤篤常曰安得勝地建道場安觀音  
像延曆之間夢往城北之山有翁鬚髮皤皤  
告曰此地甲天下山似三鈷杵常出五色雲

汝營鍊若利益無量大夫夢中問曰誰乎翁  
曰王城鎮于貴舩明神也覺而未知何處大  
夫有白馬常所騎也裝鞍語曰昔摩騰法蘭  
載舍利像經白馬來震旦然者白馬者靈畜  
也汝定知我夢地乃放馬從一童子其馬向  
城北而去至一山阿駐茅草中童還告此事  
大夫往見其地宛如夢中適於茅裏得毗沙  
門天像創一字安像故号鞍馬寺大夫以爲  
我欲安觀音像今只置天像願未果乎其夜

夢童子年十五六許告曰當知觀音多門名  
異體同覺後解疑大夫後日又營一堂安觀  
自在像今寺西觀音院是也其後峯延法師  
居此益傳靈應云

○清水寺者寶龜九年四月沙彌延鎮或曰有報恩  
夢事泝淀河而行見一支泓有金色流鎮窮  
水源至瀧下側有草菴白衣老翁居焉鎮問  
住此幾年姓名為誰荅曰吾名行睿隱約此  
地已二百歲持千手千眼神咒我待汝者久

今來也我有東州之行未果汝暫替我棲此  
此地又好建練若乃指庭前株栴曰我以是  
擬大悲像材吾若遲歸汝先營之言已向東  
而去過期而不返鎮出菴尋求不能相見一  
日到山科東峯見翁履鎮取履而歸思念恐  
此翁大悲之應現也遺履者示其迹耳便欲  
刻像而無資荏苒歲月獨自對村延曆十七  
年鎮守府將軍坂田村獺鹿來此因憩庵鎮  
語上事將軍感嘆與妻善高子謀移自宅為

寺刻像置焉

○睿山山王院千手觀音像者傳教大師之所安也昔近州有淨信女欲造觀音像求良材于時比良山有一木時時放光女聞之伐其木為材而未有巧工偶一老翁來語女曰我蘊薄伎能成汝願女悅奉材像成翁不見其長五尺感應無比教得像安此院智證大師後居於此所謂山王院大師者也

太師大友氏移崇福寺建此地安丈六弥勒像天皇有夢又救太師還遷本地太師薨其子與多承願命奏天武帝創之亦是太師之家基也天安二年圓珍法師以唐國傳來經藉藏尚書省新羅明神現形曰是日域中我已占勝地師聞官建院置此書既而珍與新羅山王二神及二比丘到寺問經始寺僧時老比丘來曰我名教待年一百六十二傳聞寺成以來過我壽者殆二十歲現今有檀家

之孫<sub>之</sub>問<sub>レ</sub>彼待<sub>レ</sub>即呼<sub>レ</sub>彼人來<sub>レ</sub>大友氏具<sub>レ</sub>說<sub>レ</sub>寺  
事<sub>又</sub>曰<sub>待</sub>公<sub>日</sub>者<sub>說</sub>師<sub>之</sub>誕<sub>育</sub>遊<sub>學</sub>今<sub>朝</sub>言<sub>當</sub>來<sub>我</sub>需<sub>師</sub>者<sub>久</sub>矣<sub>便</sub>以<sub>寺</sub>之<sub>四</sub>至<sub>契</sub>券<sub>併</sub>  
授<sub>焉</sub>珍<sub>問</sub>大<sub>友</sub>氏<sub>曰</sub>此<sub>寺</sub>曰<sub>御</sub>井<sub>何</sub>答<sub>曰</sub>寺  
之<sub>西</sub>岩<sub>有</sub>泉<sub>井</sub>天<sub>智</sub>天<sub>武</sub>持<sub>統</sub>三<sub>皇</sub>降<sub>誕</sub>時<sub>汲</sub>  
此<sub>井</sub>水<sub>為</sub>浴<sub>湯</sub>俗<sub>因</sub>而<sub>号</sub>御<sub>井</sub>寺<sub>珍</sub>聞<sub>此</sub>  
事<sub>見</sub>地<sub>勢</sub>宛<sub>似</sub>唐<sub>青</sub>龍<sub>寺</sub>又<sub>思</sub>新<sub>羅</sub>明<sub>神</sub>言<sub>規</sub>  
為<sub>靈</sub>區<sub>乃</sub>改<sub>御</sub>井<sub>為</sub>三<sub>井</sub>曰<sub>取</sub>三<sub>皇</sub>浴<sub>井</sub>  
之<sub>事</sub>也<sub>御</sub>三<sub>和</sub>又<sub>曰</sub>我<sub>輒</sub>此<sub>水</sub>為<sub>三</sub>部<sub>權</sub>頂<sub>訓</sub>  
近

之<sub>關</sub>伽<sub>至</sub>慈<sub>氏</sub>三<sub>會</sub>之<sub>期</sub>故<sub>改</sub>三<sub>字</sub>耳<sub>珍</sub>與<sub>二</sub>  
僧<sub>還</sub>詣<sub>闕</sub>奏<sub>三</sub>井<sub>事</sub>敕<sub>造</sub>一<sub>宇</sub>名<sub>唐</sub>坊<sub>移</sub>  
尚<sub>書</sub>省<sub>經</sub>籍<sub>置</sub>焉<sub>唐</sub>今<sub>曰</sub>又<sub>大</sub>友<sub>太</sub>師<sub>所</sub>捨<sub>四</sub>  
至<sub>界</sub>畔<sub>依</sub>敕<sub>全</sub>歸<sub>且</sub>免<sub>官</sub>租<sub>永</sub>充<sub>寺</sub>供<sub>焉</sub>  
真<sub>觀</sub>寺<sub>者</sub>真<sub>觀</sub>帝<sub>降</sub>誕<sub>之</sub>初<sub>大</sub>相<sub>國</sub>忠<sub>仁</sub>公<sub>與</sub>  
真<sub>雅</sub>法<sub>師</sub>謀<sub>建</sub>護<sub>帝</sub>祚<sub>也</sub>十<sub>六</sub>年<sub>二</sub>月<sub>二</sub>  
十<sub>三</sub>日<sub>設</sub>大<sub>齋</sub>會<sub>落</sub>慶<sub>道</sub>昌<sub>為</sub>導<sub>師</sub>惠<sub>達</sub>為<sub>咒</sub>  
願<sub>延</sub>諸<sub>宗</sub>碩<sub>德</sub>一<sub>百</sub>真<sub>以</sub>備<sub>法</sub>儀<sub>先</sub>救<sub>王</sub>  
孫<sub>公</sub>子<sub>年</sub>少<sub>童</sub>子<sub>四</sub>十<sub>人</sub>習<sub>舞</sub>樂<sub>至</sub>是<sub>日</sub>兩

部童樂更舞迭出凡樂部之舞支那高麗諸  
樂及林邑天人等舞皆盡奏之一時盛事都  
人登瞻聽會後一百比丘各賜度者一人  
○感應寺者一演法師嘗持觀世音像欲得勝  
地安之廣求靈區貞觀中到平安城東北鴨  
河西岸于時此地搖震紫雲降垂蓮花紛亂  
奇香薰郁演喜而搆伽藍以故号感應寺一  
日老翁持釣竿出河中語演曰我此地之主  
也自今應為護伽藍神我有神力能除魔障

去疫癘又結好夫婦調適產育所謂牛頭天  
王者也我好眠一歲三百六十日只五月五  
日醒餘日皆卧端午之朝初起向天吐氣其  
氣或為雲霞或為雨露觸方不同其所觸或  
為藥或為毒或為惡瘡或為疾疫皆是有情  
之業感也非我強為也言已形隱演錄神言  
奏朝救黃門侍即藤長良就其地七日夜行  
道念誦以報神德  
○書寫山圓教寺如意輪像者性空法師庵居

之初傍有櫻桃樹一日天人降來禮樹作偈  
曰誓首生木如意輪能滿有情福壽願亦滿  
往生極樂願一切衆生心所念空斬其枝就  
其根株造如意輪大悲像長一尺五寸命安  
鎮行者刻之於時異鳥翔集其音似賀又殿  
下清泉流出病者飲之乃愈

○蟹滿寺者在山州又世郡有郡民合家慈喜  
奉佛有女七歲誦法華普門品數月而終全  
部一日出遊村人捕鱉持去女問捕此何爲


荅曰充養女曰以蟹惠我我家有魚相報酬  
村人與之女得放河中歸家多貺乾魚其父  
耕田中一蛇追蝦蟆而含之父憐而不意曰  
汝捨蝦蟆以汝爲壻蛇聞言舉頭見翁吐蝦  
而去父歸舍思念誤發言恐失愛子懊惱不  
食婦及女問曰翁何有憂色而不食父告實  
女曰莫慮也早養焉父悅受膳初夜有叩門  
人女曰是蛇也只言三日後來父開門有衣  
冠人曰依約來父隨女語曰且待三日冠人

去女語父擇良材固造小室室成女入內閉  
居三日後冠人果來見女屏室生忿恨心乃  
復本形長數丈以身纏室舉尾敲戶父母大  
恐不得爭奈半夜後叩聲息聞悲鳴聲頃刻  
悲聲又止明旦父見之大螃蟬百十手足亂  
離蛇又被瘡百餘所并皆死女開室出顏色  
不變曰我聞戶外大小蟹千百夾殺此蛇大  
蟹多歸小蟹死今存者皆小蟹耳然大於尋  
常我通夜誦普門品有一菩薩長尺餘語我

曰無怖也我擁護汝父母大悅便穿土埋衆  
蟹及蛇就其地營寺薦真福故号蟹滿寺又  
曰紙幡寺

元身釋書卷第二十八





2

